



Pele Broberg, Naleraq
Inatsisartut

Imeruersaatit puuinut akitsuut pillugu § 37 naapertorlugu apeqquut 2026/129-mut akissut

Brevdato: 22-07-2026
Sagsnr. 2026 - 13514
Akt id. 26675427

Inatsisartut Suleriaasianni § 37, imm. 1 naapertorlugu imeruersaatit puuinut akitsuutit pillugit Naalakkersuisunut apeqquutit tulluuttut apeqquutigaatit.

Apeqquutinut akissutit Akileraartarnermut Aqutsisoqarfimmiimmat, akissuteqarnissamut taakkunannga ilapittuutinik pissarsisoqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanog.gl
www.naalakkersuisut.gl

Apeqquut tulluuttuni akineqarput.

Apeqquut 1: Ukiumi naatsorsuiffiusumi kingullermi imigassap puuanut akitsuummit nunatta karsia qanoq isertitaqarpa, aamma 2026-mut 2027-mullu qanoq isertitaqarnissaq missingersuutigineqarpa? Naatsorsukkat sapinngisamik puiaasanut, qillertuusanut imigassanullu poortuutinut allanut agguataarneqarnissaat qinnutigineqarpoq.

Akissut:

Apeqquummut uunga akissuteqarnermi imeruersaatit puuinut akitsuut eqqussuinermi akitsuutit pillugit inatsisartut inatsisaanni § 1, imm. 1, nr. 6-p pineqartut isigineqarpoq, tassani makku aalajangersarneqarput

a) pooq ataaseq ilanngaaseereerluni 0,25 literi tikillugu imalik: 1 kr. 40 øre

b) pooq ataaseq ilanngaaseereerluni 0,25 literi sinnerlugu imalik: 2 kr. 90 øre.

Immunnik nioqqutissiat puui kiisalu Qaanaamut, Ittoqqortoormiut Tasiilamulluunniit imeruersaatit puui eqqunneqartut ilaatinneqanngillat.

Taamaammat manna imeruersaatit puuinut akiliummut kiisalu allaffissornikkut akiliummut imeruersaatinut utertitsisarnermik aqqissuussinermut akiligassanngortinneqartumut paarlaanneqassanngilaq.

Akileraartarnermut Aqutsisoqarfiup atortorissaarutaani puiaasaaqqanut, qillertuusanut imeruersaatilluunniit puuinut allanut paasissutissat anillatsinneqarsinnaanngillat. Ilanngullugu imeruersaatit puui ataasiakkaat missingersuusiorteqartannginnerat ilisimatitsissutigineqassaaq. Taamattaq mineralvandinut, sodavandinut puussianullu akitsuummut ataatsimut missingersuusiorteqartarnera ilanngullugu ilisimatitsissutigineqassaaq. 2025-mulli naatsorsuutini kisitsisit 2026-mut 2027-mullu kisitsisinut missingersuusianut sanillersuunnerisigut aningaasat annertussusaannik missingiisoqarsinnaavoq. Taamaammat kisitsisit tulluuttut mianersortumik tiguneqassapput.

	2025 naatsorsuutit	2026 missingersuutit	2027 missingersuutit
Mineralvandit, imeruersaatit puui puussiallu	171.797	140.983	156.983
Imeruersaatit puui	101.922	83.640	93.132

2025-mut tunngatillugu imeruersaatit puuinut akitsuut nunatta karsianut 102 mio kr-nik isertitsissutaanera naatsorsuutit takutippaat, 2026-milu 83 mio. kr-nik 2027-mullu 93 mio. kr-nik missingersuuteqartoqarpoq.

Apequt 2: Akitsuutip tamakkiisumik atorunnaarsinneqarnerani Nunatta Karsiata isertitai qanoq annertutigisumik ikilissasut Naalakkersuisut naatsorsuutigaa, naatsorsuinemullu tunngaviit pingaarnerit suuppat?

Akissut:

Apequt 1-mut akissut innersuussutigineqarpoq.

Eqqussuineri akitsuutit pillugit Inatsisartut inatsisaanni § 1, imm. 1, nr. 6-mi imeruersaatit puuinik akitsuummik atorunnaarsitsineri imeruersaatit, tassani ilaatigut immiaaqqat, sodavandit energidrikillu il.il. akiisa apparnissaat naliliutaavoq. Akit apparneranni atuineq annertuseriassasoq ilimanaateqarpoq, tamatumalu akitsuutinit allanit immiaaqqanut, sodavandinut energidrikinullu akitsuutinit annertunerusumik iluanaaruteqartoqarnera malitsigissavaa.

Ilanngullugu imeruersaatit puuinik utertitseqqinneqanngitsunit eqqakkat amerlanerulernissaat ilimagineqartariaqarpoq.

Atuinerup annertusineri aamma malitseqataassumik pualanerulernikkut imigassamillu atornerluinikkut peqqissutsikkut kinguneqaateqarsinnaavoq, tamatumalu peqqinnissaqarfik suliakkersussavaa. Tamannali Naalakkersuisoqarfiup oqartussaaffiata avataaniippoq. § 37 naapertorlugu apeqqutip akissuteqarfiginissaanut piffissaliussatigut killiliutit eqqarsaatigalugit tamanna maannakkuugallartoq nalilerneqarsinnaanngilaq.

Apequt 3: Inatsisip allanngortinneqarnissaanut, isertitat naatsorsorneqarnissaanut, aningaasanut inatsisissamut ilanngunneqarnissaanut kiisalu Akileraartarnermut Aqutsisoqarfimmi qarasaasiatigut aaqqissuussani attuumassuteqartuni allannguineri pisariaqartinneqartut allaffissornikkut isumalluutit qanoq annertutigisut atornerneqarnissaat naatsorsuutigineqarpa, AC-nut ukiumut suliffissatut koruuninngorlugulu naatsorsorlugit?

Akissut:

Inatsimmik allannguineri, iluanaarutini naatsorsuineri, aningaasanut inatsimmut ilanngussineri Akileraartarnermillu Aqutsisoqarfimmi allannguineri isumalluutini atuineq ukioq kaajallallugu sulinerup ½ -¼-iatut nalilerneqarpoq.

Atorunnaarsitsineri aalajangersakkakkut eqqussuineri akitsuutit pillugit Inatsisartut inatsisaanni allannguneq annikisoq pineqarpoq. Akileraartarnermut Aqutsisoqarfiup


atortorissaarutaani allanquineq annikitsuinnaavoq, tamannalu ukiumi siullermi aningaasartuutunik ataasiakkaanik nassataqarsinnaavoq. Isumalluutunik atuineq annertunerpaaq akitsuummik atorunnaarsitsinerup malitseqataasumik aningaasaqarnikkut kingunerisaanik naatsorsuinermut tunngassaaq.

Apequt 4: Atorunnaarsitsinerup kingorna allaffissornikkut sipaarutissat ataavartut qanoq annertutigisut naatsorsuutigineqarpat, aammalu piviusunngortitsinissamut suliaq aningaasaliissutit pioreersut iluanni ingerlanneqarsinnaava?

Akissut:

Akilerartarnermut Aqutsisoqarfiup sulisuisa suli akitsuutunik allanik marlunnik imeruersaatinik nioqqutissanut akitsuusiissutunik akiligassiisartussaanera pissutigalugu, allaffissornikkut sipaarutit anikitsuararsuit taamaallaat pineqassapput, tassani sodavandinut imaluunniit imigassamut aalakoornartumut akitsuut, utertitsinermi akitsuut kiisalu allaffissornermut akiliut il.il. ilanngullugit.

Inussiarnersumik inuulluaqqusillunga

A handwritten signature in blue ink, appearing to be 'Aqqaq B. Egede', written over a light blue horizontal line.

Aqqaq B. Egede